

NNNN
ZCZC 426 01621
AAHQ16 FAME 070600
MP 574

M47/260

1991-01-09

DEEL EEN VAN DRIE DELE

NUUSBRIEF 09 VAN MARION 47: DESEMBER 1990

NEEM DIE VOLGENDE WOORDE: 'FANTASTIES, VERSKRIKLIK, VREESLIK, PRETTIG, HEERLIK EN SNAAKSAAL. VORM NOU ALLERLEI KOMBINASIES. DAARMEE EN IN IEDER GEVAL SAL U DESEMBERMAAND OP MARION KORREK BESKRYF. DIE MAAND WAS TOT BARSTENS TOE VOL MET SOSIALE EN FUNKSIONELE AKTIWITEITE GEVUL - OM MEER HIERVAN TE WETE TE KOM, LEES GERUS VERDER

MET DIE KATTE WAT AL MINDER EN SLIMMER RAAK HET DEON, DIE KATSPANLEIER, BEDURENDE DIE NOVEMBER VELDSESSIE MET DIE IDEE

VORENDAG GEKOM OM DIE LOKVALLE TE VERBETER EN SODOENDE DIE OUTJIES TE TROEF. DAAR IS BESLUIT OM NATUURLIKE TRESTERVORMIGE MURE WAT NA DIE LOKVALLE LEI TE BOU, OM DIE DIERE SODOENDE VRYWILLIG TE VERPLIG OM 'N ROETE TE VOLG WAT DEUR 'N LOVAL LOOP. DIT IS BYKANS NODELOOS OM BY TE VOEG DAT HIERDIE VERBETERINGS BAIE SWEET GEKOS HET MAAR DIT WAS DIE MOEITE WERD WANT DIE VELDASSISTENTE HET HIERDIE MAAND 5 SKERMUNKELS AANGEKEER - ALMAL GEVANG D.M.V. TRESTERVORMIGE LOKVALLE. DIE HUIDIGE GROOTTOTAAL STAAN NOU OP 112.

HENDRIK EN FRANCOIS HET HIERDIE MAAND SELF 'N HOOGTEPUNT IN HUL BETROKKENHEID BY DIE OLIFANTROBPROGRAM BELEEF. 'N WYLE BELEDE HET HULLE 3 BUISVORMIGE OPNEMERS OP DIE RUE VAN INDIVIDUELE OLIFANTROB WYFIES GEMONTEER WAT DATA VERSAMEL T.G.V. DIE DIERE SE BEWEGINGS TYDENS HUL VOEDINGSPERIODE TER SEE. DIE HERWINNING VAN HIERDIE OPNEMERS WAS HOOG OP HULLE AGENDA VIR DESEMBER EN DIE STRANDE AANGRENSEND DIE BASIS IS DAAGLIKS GEPATROLEER, SYNDE DIE DIERE TERUGGEKEER HET VIR HUL VERHARINGSPERIODE OP LAND. AL DIE OPNEMERS IS TERUGGEVIND MAAR DIT HET DIE TWEE MANNE SEER VOETE EN 'N MAAGSEER ELK GEKOS.

EIERDIEF-VAN-DIE-MAAND TOEKENNING WORD GEDEEL DEUR ANDRE VOEL EN BRUCE DIE PROSES OM VAS TE STEL OF DAAR 'N VERHOOGDE MATE VAN PLASTIESE BESOEDELING VOORKOM IN DIE VOEDSELKETTING VAN DIE VOELS IN HIERDIE GEWESTE, NOODSAAK DIE SELEKTIEWE VERSAMELING VAN 'N HOEVEELHEID EIERE SODAT DAAR 'N STUDIE VAN DIE DOPPE GEMAAK KAN WORD. HIERDIE TAKIE HET VOORRANG IN ANDRE SE STAMPVOL PROGRAM GENIET EN BRUCE WAT MET SY SOVEELSTE OM-DIE-EILAND TOG BESIG WAS, HET HOM GEHELP.

EINDE DEEL EEN VAN DRIE DELE

NNNN
ZCZC 440 01621
AAHQ16 FAME 070600
MP 575

M47/260

1991-01-09

DEEL TWEE VAN DRIE DELE

DESEMBER WAS OOK DIE MAAND TOE DIE HARE GEWAAI HET
GERHARD, ONS EEN WEERPROFEET, HET OP 'N GOEIE DAG BESLUIT -
TOT HIERTOEG EN NIE VERDER - EN SONDER MEER VAN SY WELIGE
BAARD ONTSLAE GERAAK. DELMAINE EN KONRAD HET KORT OP SY HAKKE
GEVOLG NA HUL TERUGKEER UIT DIE VELD EN DIE 3 LYK SOOS
SPLINTERNUWE SIKSPENSE. VIR GERHARD BETEKEN DIE MAAND OOK DIE
BEGIN VAN 'N NUWE LEWENSJAAR AANGESIEN HY SY VERJAARDAG DIE
MAAND GEVIER HET. STEVE HET OOK 'N NUWE JAARRING BYGEKRY.

DIE VAN U WAT OP DIE 24 STE NA DIE TV OF RADIO GEKYK OF
GELUISTER HET EN DIE STEM UIT DIE VREEMDE GEHOOR HET, WEL,
DIT BEHOORT AAN DANIE, ONS LEIER. HY HET OORNAG TOT TV EN
RADIO STERSTATUS GESTYB EN OORWEEG NOU OM AANSOEK TE DOEN AS
SCOTT SCOTT SE PLAASVERVANGER IN SKATTEJAG. 'DANIE, ONS HOOP
OM JOU EERSDAAGS OP DIE KYKKASSIE TE SIEN'.

OP DIE VOORAAND VAN KERSFEES IS DAAR GEWOEL EN GEWERSKAP,
BEIDE IN DIE KOMBUIS EN WERKSWINKEL. DELMAINE EN STEVE HET
LEIDING IN DIE KOMBUIS GENEEM EN SAAM MET 'N PAAR ANDER MANNE
ALLERHANDE LEKKERNYE VIR KERSDAG VOORBEREI. REEDS IN NOVEMBER
HET DELMAINE 'N ENORME 'KRISMISKDEK' GEBAK EN DAMES, DAMES:
'AS DAAR ENIGE VAN U IS WAT SOU BELANGSTEL OM 'N
PROFFESIONELE KOEKVERSTIERDER TE HUUR, KONTAK GERUS VIR STEVE
- AS BONUS KAN HY MOONTLIK AAN U DIE GEHEIM VAN SY
SKILFERDEEG RESEP UITLAAT'. ALBERT, ONS EIE 'SKANKMAN', HET
HOMSELF AANGESTEL AS LEIER VAN DIE KOEKSTRUIF-SINDIKAAT.
HIERDIE IS 'N GROEPIE MANNE WAT DIT HUL TEN DOEL STEL OM DIE
VERENIGING VAN VOLLER FIGURE SE DIEET PLANNE IN DIE WIELE TE
RY DEUR DIE BESTE KOEKSTRUIFE IN DIE HEELAL TE MAAK. IN DIE
WERKSWINKEL HET VERSKEIE OORSPRONKLIKE KERSGESKENK-GEDAGTES
DIE LIG GESIEN WAT DIE HART VAN MENIGE SUB-ZERO ANTARKTIESE
MAN OP KERSDAG WARM SOU MAAK.

ALMAL HET IN 'N 'AL-HOE-GESELLIGER' LUIM DIE LAASTE PAAR URE
VOOR MIDDERNAG, IN AFWAGTING OP KERSVADER SE VERSKYNING,
VERKEER. 'HO-HO-HO', GUMBOOTS EN GORTOX. IS DIT NOU
CHRISTO-VADER OF KERS-ELS? ELKE MAN HET DIE GELEENTHEID GEHAD
OM OP SY SKOOT TE SIT, 'N KERSWENS AAN HOM TE FLUISTER EN 'N
GESKENKIE TE ONTVANG. HEIN KON NIE SY DE GLO TOE HY 'N
BLINKNUWE ROOI VLIESTUIS BY KERSVADER KRY NIE - 'N
OORSPRONKLIKE FRANCOIS/PIET SKEPPING. PIET-PLAN SE NUWE NAAM
IS NOU PIET-PLOEG. HY HET 'N JOHN DEERE TREKKER GEKRY - SY
KOP STAAN NOU NET PLAAS TOE. CHRISTO EN STEVE HET AAN ELKEEN
'N ALARM MET INGEBOUDE SLUIMER-FASILITEIT BEGEE - DIE PRODUK
SE WERKING IS EGTER BAIE HMM, JA 'SENSITIEF' VAN
AARD - EN KAN NIE IN HIERDIE DOKUMENT BESKRYF WORD NIE.

EINDE DEEL TWEE VAN DRIE DELE

ZAAR
ZCZC 427 01621
AAHQ16 FAME 070600
MP 576

M47/260

DEEL DRIE VAN DRIE DELE

1991-01-09

KERSDAG HET SY EIE DOSIS OPWINDING, OFTEWEL OPDRAENDE, VERSKAF. ASOF GOEIE RADIOTELEFOON KONTAK OPSIGSELF NIE ALREEDS MOEILIK IS OM TE BEWERKSTELLIG NIE IS DAAR EERS NA 'N VERTRAGING VAN 2 URE KONTAK MET KAAPSTAD-RADIO GEMAAK. GERARD 'EVERREADY' HET EGTER GEREED GESIT MET 'N PLAN EN D.M.V. DIE AMATEUR RADIONETWERK VIR DURBAN-RADIO GEKONTAK EN GEREEL DAT ONS OPROEPE VIA DIE STASIE GESKIED. DIE OPROEPE IS VINNIG EN EFFEKTIEF AFGEHANDEL EN SODOENDE HET HY DIE DAG GERED. VIR JACQUES HET DIE DAG AMPER IN 'N NAGMERRIE ONTAARD VAN SY TUISDORP MOES HY VERNEEM DAT HY TEN SPYTE VAN SY FISIESE TEENWOORDIGHEID 2000 KM VER OF MARION, EEN AAND IN KEMPTON PARK AANGEKEER IS OP AANKLAG VAN DRONKBESTUUR DIE FEIT VAN DIE SAAK IS EGTER DAT DIE EEN OF ANDER NIKSNUTS EEN AAND WEL DAAR GEVANG IS EN VALSLIK JACQUES SE TUISADRES VERSKAF HET. OF DIE PUNT MOET DAAR EGTER GENOEM WORD DAT HY NATUURLIK NIE DIE ONSKULD HOMSELF IS NIE - O NEE. UIT 'N BETROUBARE BRON IS VERNEEM DAT HY DIE EIERGEVEG VROEER DIE MAAND BEGIN HET. HY HET NOU BOONOP 'N SPLINTERNUWE ROOI SPEELPAKKIE VIR

KERSFEES GEKRY EN DAAR WORD IN VREES GEWAG OP DIE VOLGENDE ONDEUNDE STREEP WAT HY IEMAND GAAN TREK IN HIERDIE GEWAAD.

DIE MEESTE MANNE HET DIE PERIODE TUSSEN GESINSDAG EN OUJAARSAAND RUSTIG DEURGEBRING, MAAR ANDRE KAT EN PAUL HET ANDER PLANNE GEHAD SOOS WAFPERSE ONTDEKKINGSREISIGERS HET DIE 2 LIGDAG EEN OGBEND VERTREK, GEWAPEN MET 'N TENT EN ANDER KAMPEERUITRUSTING EN TOT OP STAATSPRESIDENT SWART-PIEK GEKLIM. DIE NAG HET HULLE OP DIE YSPLATO DEURGEBRING EN WAS GENOODSAAK OM OOK DIE VOLGENDE DAG DAAR TE SPANDEER WEENS GURE WEERSOMSTANDIGHED.

OUJAARSDAG IS IN AFWAGTING DEURGESBRING OP DIE FUNKSIE VAN DIE JAAR: DIE MEJ MARION KOMPETISIE. KOORSAGTIGE AFRONDINGS IS DEUR DIE WAT INGESKRYF HET AAN HULLE UITRUSTINGS AANGEBRING EN ANDRE KAT HET DIE MANNE GEDRIL TOT HULLE ELKE BEWEGINKIE EN HEURSWAAR VERFYN HET. DIE GROOT OOMBLIK HET OM 22H00 AANGEBREEK EN DIE DEELNEMERS HET DIE DIE EEN NA DIE ANDER GEPARADEER, UITRUSTINGS VERTOON, VRAE BEANTWOORD EN KUIE GEWYS. GAIL MCKENNA (DELMINE) IS AANGEWYS AS MEJ MARION 1991, DELICIA (PIET) AS 1STE PRINSES EN WOUISE NAIDOO FROM DURBAN-TOWN (KONRAD) AS 2DE PRINSES. DIVINE (CHRISTO) WAT DEURGANS AS GUNSTELING BESKOU WAS KON ONGELUKKIG WEENS OMSTANDIGHED 'BUITE' SY BEHEER NIE DIE KOMPETISIE VOLTOOI NIE. DIE ANDER DEELNEMERS WAS: GERALDINE (GERARD), SUZI MATWETWE (BRUCE) EN SNOEKIE (IAN). DEON EN JACHA SE WEGNEEM PIZZA TRATTORIA HET DIE VERSNAPPERINGE VIR DIE UITHANG GELEENTHEID VERSKAF.

1991 IS INGEBAAN DEUR HEILDRONKE OP ELKE DENKBARE PERSOON TE
DRINK EN DAAR IS LATER DIE DAG UIT MENIGE MOND VERNEEM: 'DIT
WAS DIE BESTE NUWEJAARSVIERING WAT EK NOG DDIT MEEGEMAAK
HET'. OP HIERDIE NOOT WORD U AS LESER DEUR ONS AS MARION 47
SPAN 'N JAAR GEKENMERK DEUR GESONDHEID, LIEFDE EN VOORSPOED
TOEGEWENS.

WEERDATA VIR DESEMBER:

GEMIDDELDE DRUK: 1003.6 HPA
GEMIDDELDE TEMP: 7.6 GRADE CELSIUS
GEMIDDELDE VOG: 78 %
GEMIDDELDE SONSKYN: 5 URE PER DAG
TOTALE REENVAL: 173.5 MM
GEMIDDELDE SEETEMPERATUUR: 6.5 GRADE CELSIUS
MAKSIMUM TEMPERATUUR: 14.8 GRADE CELSIUS
MINIMUM TEMPERATUUR: 1.2 GRADE CELSIUS

WEERDATA VERSKAF DEUR DANIE.
NUUSBRIEF SAAMGESTEL DEUR JACHA EN IAN.

EINDE DEEL DRIE VAN DRIE DELE
